



Broj: 03-16-8-1466-7-1/16
Sarajevo, 29.11.2016.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda za Lot 1. Nabavka kopir mašine, broj: 03-16-8-1466-7/16, od 9.11.2016. u otvorenom postupku nabavke kopir mašine i multifunkcionalnih uređaja za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine za Lot 1. Nabavka kopir mašine, donosi

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda za Lot 1. Nabavka kopir mašine, broj: 03-16-8-1466-7/16, od 9.11.2016. i Ugovor o nabavci za Lot 1. Nabavka kopir mašine dodjeljuje se ponuđaču Facit d.o.o. Sarajevo, čija ukupna cijena ponude za jedan novi produkcijski uređaj za crno-bijelo printanje, kopiranje i skeniranje u boji sa finišerom i HCF-om, marke/model Xerox D136 s Xerox FreeFlow Print Server iznosi 37.550,00 KM bez PDV-om, odnosno 43.933,50 KM sa PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične i ekonomsko-finansijske sposobnosti u roku od 5 (pet) dana od dana prijema obavještenja o izboru najpovoljnije ponude, a prema tačkama 12.2. i 12.3. Tenderske dokumentacije za nabavku kopir mašine i multifunkcionalnih uređaja za potrebe Parlamentarne skupštine Bosne i Hercegovine, broj: 03-16-8-1466-4/16, od 10.10.2016.

(2) U slučaju da izabrani ponuđač propusti u navedenom roku dostaviti dokaze o kvalificiranosti iz stava (1) dio II. ove Odluke ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Ugovora o nabavci dostavit će se na potpis izabranom ponuđaču po isteku žalbenog roka, računajući od dana kada je ponuđač obavješten o izboru najpovoljnije ponude pod uslovom da žalba ne bude uložena i po prethodno pribavljenom mišljenju Pravobranilaštva Bosne i Hercegovine.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke kopir mašine i MF uređaja za potrebe Parlamentarne skupštine Bosne i Hercegovine, broj: 03-16-8-1466/16, od 18.5.2016. i broj: 03-16-8-1466a/16, od 30.8.2016. Predmet nabavke podjeljen je na dva lota. Ukupno procijenjena vrijednost nabavke iznosila je 87.800,00 KM sa PDV-om, a za Lot 1. Nabavka kopir mašine iznosila je 44.000,00 KM sa PDV-om. Javna nabavka je provedena putem otvorenog postupka. Obavještenje o nabavci broj: 166-1-1-32-3-22/16 objavljeno je na Portalu javnih nabavki dana 10.10.2016., a sažetak Obavještenja o nabavci objavljen je u "Službenom glasniku BiH", broj 77/16, od 14.10.2016.

Tendersku dokumentaciju sa Portala javnih nabavki preuzelo je ukupno 29 ponuđača. Komisija za nabavke imenovana je Odlukom Kolegija Sekretarijata, broj: 03-16-8-1452/16, od 18.5.2016. Do termina zakazanog za predaju ponuda odnosno do 1.11.2016. do 14,00 sati, za Lot 1. Nabavka kopir mašine pristigla je jedna ponuda i to:

Redni broj zaprimanja ponuda	Naziv i sjedište ponuđača
1.	Facit d.o.o. Sarajevo, Merhemića Trg broj 4, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-1466-5/16, od 1.11.2016., Zapisnik o otvaranju ponuda od 1.11.2016. i Zapisnik o pregledu i ocjeni ponuda za Lot 1. Nabavka kopir mašine, broj: 03-16-8-1466-7/16, od 9.11.2016., sa preporukom o izboru najpovoljnijeg ponuđača. Zapisnikom je konstatovano da je ponuda ponuđača Facit d.o.o. Sarajevo prihvatljiva za ugovorni organ, jer ispunjava sve formalno pravne, ekonomsko-finansijske i tehničko/profesionalne uslove, odnosno zahtjeve ugovornog organa definisane tenderskom dokumentacijom. Obzirom da je u postupku nabavke za Lot 1. dostavljena jedna prihvatljiva ponuda nije bilo potrebe za fazom vrednovanje prihvatljivih ponuda shodno utvrđenom kriteriju „najniža cijena“, pa je tabelarni pregled-rang lista prihvatljivih ponuda sljedeća:

Ponuđač	Ukupna cijena ponude popustom (ukoliko je bilo popusta) i uračunatim PDV-om	Rang
Facit d.o.o. Sarajevo, Merhemića Trg broj 4, 71 000 Sarajevo	43.933,50 KM	1 (prvi)

U Zapisniku je također navedeno da ne postoje uslovi za primjenu preferencijalnog faktora isključivo u svrhu poređenja ponuda, pa isti nije ni primjenjivan.

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1466-7/16, od 9.11.2016., u prilogu), da u postupku nabavke kopir mašine i multifunkcionalnih uređaja za potrebe Parlamentarne skupštine Bosne i Hercegovine za Lot 1. Nabavka kopir mašine donese Odluku o izboru najpovoljnijeg ponuđača za Facit d.o.o. Sarajevo, čija ukupna cijena ponude jednog novog produkcijskog uređaja za kopiranje, printanje i skeniranje, marke/model Xerox D136 s Xerox FreeFlow Print Server iznosi 37.550,00 KM bez PDV-om, odnosno 43.933,50 KM (slovima: četrdesettrihiljadedevedestotinatridesettri i 50/100 konvertibilnih maraka) sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da ponuđača Facit d.o.o. Sarajevo izabere za realizaciju javne nabavke po Lotu 1.- Nabavka kopir mašine u postupku nabavke kopir mašine i multifunkcionalnih uređaja za potrebe Parlamentarne skupštine Bosne i Hercegovine, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

- Facit d.o.o. Sarajevo, Merhemića Trg broj 4, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____